

PWYLLGOR TROSOLWG A CHRAFFU ADDYSG AC IEUENCTID
23 TACHWEDD 2017

Cofnodion cyfarfod Pwyllgor Trosolwg a Chraffu Addysg ac Ieuencid Cyngor Sir y Fflint a gynhaliwyd yn Ystafell Bwyllgora Delyn, Neuadd y Sir, yr Wyddgrug, Sir y Fflint, ddydd Iau, 23 Tachwedd 2017.

YN BRESENNOL: Cyngorydd David Healey (Cadeirydd)

Cynghorwyr: Janet Axworthy, Sian Braun, Paul Cunningham, Patrick Heesom, Dave Hughes, Kevin Hughes, Tudor Jones, Dave Mackie, Ian Smith, Martin White a David Williams

AELODAU CYFETHOLEDIG: Lynn Bartlett a Rebecca Stark

DIRPRWYON: Y Cyngorydd Gladys Healey (ar gyfer Andy Dunbobbin)

YMDDIHEURIADAU: Y Cyngorydd Geoff Collett, Mr David Hytch a Mr Bernard Stuart, Uwch Reolwr Systemau Gwella Ysgolion Dros Dro

CYFRANNWYR: Y Cyngorydd Ian Roberts (Aelod Cabinet Addysg), Prif Swyddog Dros Dro (Addysg ac Ieuencid), Uwch Reolwr Cynllunio a Darpariaethau Ysgolion, Rheolwr Blynnyddoedd Cynnar a Chefnogi Teuluoedd, ac Ymgynghorydd Dysgu – Iechyd, Lles a Diogelu.

HEFYD YN BRESENNOL:

Hwylusydd Trosolwg a Chraffu Addysg ac Ieuencid a Swyddog Gwasanaethau Democrataidd

24. DATGAN CYSYLLTIAD (GAN GYNNWYS DATGANIADAU CHWIPIO)

Ni ddatganwyd unrhyw gysylltiad.

25. COFNODION

Roedd cofnodion cyfarfod y Pwyllgor a gynhaliwyd ar 5 Hydref 2017 wedi'u dosbarthu i'r Aelodau gyda'r rhaglen.

Cywirdeb

Dyweddodd y Cyng. Paul Cunningham ei fod wedi ymddiheuro am ei absenoldeb ond nad oedd hynny wedi'i gofnodi.

Mynegodd y Cyng. Patrick Heesom bryderon o ran nad oedd ei sylwadau ynglŷn â'r Grant Ysgolion Bach Gwledig wedi'u cofnodi. Hefyd, yn sgil y cyngor sydd bellach ar gael am feini prawf Llywodraeth Cymru ar gyfer y grant a ddarperir i ysgolion gyda mwy na 90 o ddysgwyr, dywedodd bod angen adolygu'r argymhelliad. Dywedodd hefyd nad oedd ei sylwadau ar y Gwasanaeth Ieuencid wedi'u cofnodi a gofynnodd bod y Pwyllgor yn derbyn adroddiad ar y Gwasanaeth Ieuencid.

Gwnaeth y Cyng. David Williams sylwadau ar y cynigion ar gyfer yr ysgol newydd ym Mhenyffordd a'r cyfarfod sydd ar ddod gydag athrawon. Gwahoddodd

Uwch Reolwr Cynllunio a Darpariaethau Ysgolion y Cyng. Williams i gael sgwrs yn dilyn y cyfarfod, a dywedodd bod y Cyngor yn bwriadu cyflwyno'r cynnig gorau posibl ar gyfer Penyffordd.

PENDERFYNWYD:

Yn amodol ar y newidiadau uchod, cymeradwyo'r cofnodion fel cofnod cywir a gofyn i'r Cadeirydd eu llofnodi.

26. CYNNIG GOFAL PLANT AM DDIM

Cyflwynodd Prif Swyddog Dros Dro (Addysg ac Ieuenctid) adroddiad i roi diweddariad ar y Cynnig Gofal Plant am Ddim a gofynnodd am gefnogaeth i ymestyn y cynnig i ardaloedd eraill yn Sir y Fflint. Gwahoddodd Rheolwr y Blynyddoedd Cynnar a Chefnogi Teuluoedd i gyflwyno'r adroddiad.

Darparodd Rheolwr y Blynyddoedd Cynnar a Chefnogi Teuluoedd wybodaeth gefndir a chynghori bod y cynnig ar hyn o bryd ar brawf mewn ardaloedd penodol o Sir y Fflint a bod yr Awdurdod yn gweithio gyda Llywodraeth Cymru i ddatblygu modelau lleol ar gyfer rhoi'r cynnig hwn ar waith yn genedlaethol. Rhoddodd gyflwyniad ar y Cynnig Gofal Plant a Ariennir i blant 3 a 4 oed, gan gyfeirio'n benodol at y canlynol:

- Gwerth gofal plant o safon
- Beth yw'r Cynnig Gofal Plant
- Beth a olyga hyn i rieni
- Beth yw addysg gynnar
- Sut y bydd rhieni yn gwybod a ydynt yn gymwys
- Nod y cynllun peilot
- A oes modd i riant ddewis y darparwr gofal plant
- A fydd yn rhaid i rieni dalu am unrhyw beth
- Sut mae rhieni yn gwneud cais

Diolchodd y Cadeirydd i Reolwr y Blynyddoedd Cynnar a Chefnogi Teuluoedd am ei gwaith ac am y cyflwyniad llawn gwybodaeth.

Mewn ymateb i gwestiwn gan y Cyng. Kevin Hughes ynglŷn â'r rhestr o ardaloedd y mae modd i bobl wneud cais am ofal plant am ddim, a gylchredwyd i'r Aelodau, cytunodd Rheolwr y Blynyddoedd Cynnar a Chefnogi Teuluoedd i wirio cywirdeb y rhestr a rhoi gwybod i'r Aelodau yn y cyfarfod nesaf. Gofynnodd y Cyng. Hughes pryd y bydd y cynllun ar gael yn yr ardaloedd gwledig. Dywedodd y swyddogion bod Llywodraeth Cymru yn ymrwymedig i weithredu'r cynllun ar draws Cymru erbyn diwedd cyfnod presennol y Cynulliad yn 2021. Fodd bynnag, byddai angen darparu adnoddau priodol. Dywedodd y Prif Swyddog Dros Dro bod adborth cadarnhaol wedi'i dderbyn gan Lywodraeth Cymru ynglŷn â chynnydd y cynllun yn Sir y Fflint.

Siaradodd yr Aelodau o blaid y cynnig gofal plant am ddim a mynegi eu cytundeb i ymestyn y cynnig i ardaloedd eraill yn Sir y Fflint. Gofynnodd Mrs Rebecca Stark bod diolchiadau'r Pwyllgor am waith caled y tîm wrth weithredu'r cynnig gofal plant yn cael ei anfon at y swyddogion perthnasol. Cytunodd

Rheolwr y Blynyddoedd Cynnar a Chefnogi Teuluoedd i gyflwyno sylwadau cadarnhaol y Pwyllgor at ei thîm yn ystod cyfarfod nesaf y Grŵp Gorchwyl.

PENDERFYNWYD:

Roedd y Pwyllgor yn croesawu'r cynnydd wrth weithredu'r Cynnig Gofal Plant ac yn edrych ymlaen at yr estyniad arfaethedig i bob rhan o Sir y Fflint.

27. MAINT DOSBARTHIAU

Cyflwynodd y Prif Swyddog Dros Dro (Addysg ac Ieuenctid) yr adroddiad i hysbysu'r Aelodau o Grant Lleihau Maint Dosbarthiadau Babanod a Chodi Safonau Llywodraeth Cymru. Dywedodd bod Ysgrifennydd y Cabinet dros Addysg wedi cyhoeddi manylion cronfa £36 miliwn newydd i fynd i'r afael â maint dosbarthiadau babanod ac i godi safonau, a fydd ar gael o 1 Ebrill 2018 tan 31 Mawrth 2021. Soniodd y Prif Swyddog Dros Dro am y prif ystyriaethau, fel y nodir yn yr adroddiad, a thynnu sylw at feini prawf y grant a chais y Cyngor i Lywodraeth Cymru a oedd yn amlinellu'r defnydd arfaethedig o'r cyllid refeniw i godi safonau ysgolion penodol.

Cyfeiriodd y Cyng. Kevin Hughes at y ddau brosiect arfaethedig yn yr adroddiad a gofynnodd pa waith sydd wedi'i wneud o ran y materion priodoldeb/amgylchiadau. Mewn ymateb, amlinellodd Uwch Reolwr, Cynllunio a Darpariaethau Ysgolion, yr amcanion a'r meini prawf ar gyfer nodi prosiectau ac eglurodd bod 78 o ysgolion yn y sir gyda dosbarthiadau o 29 disgybl a mwy.

Mewn ymateb i ymholiad gan Mrs Rebecca Stark ynglŷn â sut y bydd y cynnig yn effeithio ar ddisgyblion sy'n derbyn prydau ysgol am ddim, dywedodd y Prif Swyddog Dros Dro mai dim ond un ysgol sydd yn y categori oren ar gyfer cefnogaeth.

Gofynnodd y Cyng. Patrick Heesom am adroddiad pellach ar sut mae rhaglen band B Ysgolion yr 21ain yn cyd-fynd â'r grant maint dosbarthiadau gan Lywodraeth Cymru. Cytunodd y swyddogion i ddarparu adroddiad yn y flwyddyn newydd.

PENDERFYNWYD:

Nodi cynnwys yr adroddiad a chefnogi cyflwyno achos busnes i Lywodraeth Cymru.

28. CYNLLUN Y CYNGOR 2017/18 - MONITRO CANOL BLWYDDYN

Cyflwynodd y Prif Swyddog Dros Dro adroddiad i adolygu'r cynnydd wrth gyflawni gweithgareddau, lefelau perfformiad a lefelau risg presennol fel y nodwyd yng Nghynllun y Cyngor ar gyfer 2017/18. Eglurodd ei fod yn adroddiad cadarnhaol gydag 88% o'r gweithgareddau yn gwneud cynnydd da yn ôl yr asesiad a 67% yn debygol o gyflawni'r canlyniad a ddymunwyd. Yn ogystal, roedd 65% o'r dangosyddion perfformiad wedi cyrraedd neu ragori ar y targed. Roedd y risgiau hefyd yn cael eu rheoli'n llwyddiannus gyda'r mwyafrif yn cael eu hasesu'n risgiau cymedrol neu'n fân risgiau. Cyfeiriodd y Prif Swyddog Dros Dro at dair risg fawr, fel y nodir yn yr adroddiad a, gan gyfeirio at gynaliadwyedd y

ffrydiau ariannu, dywedodd bod y Cyngor wedi derbyn hysbysiad yn ddiweddar, heb rybudd ymlaen llaw, bod Llywodraeth Cymru wedi torri'r Grant Gwella Addysg 11%.

Dywedodd y Cyng. Ian Roberts, yn ychwanegol at y gostyngiad yn y grant hwn, bod y Grant Gwisg Ysgol ar gyfer disgyblion blwyddyn 7 sy'n gymwys i dderbyn prydau ysgol am ddim hefyd wedi'i dynnu'n ôl yn ddirybudd.

Yn ystod y drafodaeth mynegodd yr Aelodau nifer o bryderon ynghylch y toriadau mewn cyllid grant a'r diffyg rhybudd i alluogi'r Cyngor a'r ysgolion gynllunio ar gyfer yr effaith. Gwnaeth y Cyng. Ian Roberts sylw ar oblygiadau codi cyflogau athrawon y flwyddyn nesaf a dywedodd y byddai angen ariannu cynnydd o fwy nag 1% mewn cyflogau sector cyhoeddus yn ganolog. Cynigiodd y Cyng. Patrick Heesom y dylid anfon llythyr ar ran y Pwyllgor yn amlinellu eu pryderon, ac eiliwyd hyn gan y Cyng. Ted Palmer. Cytunwyd i anfon llythyr at Mrs Kirsty Williams, Ysgrifennydd y Cabinet dros Addysg, yn amlinellu'r canlynol:-

- Y gostyngiad arfaethedig o 11% yn y Grant Gwella Addysg
- Diddymu Grant Ysgolion Bach a Gwledig
- Diddymu Grant Gwisg Ysgol ar gyfer disgyblion blwyddyn 7 sy'n gymwys i dderbyn prydau ysgol am ddim

Mynegodd y Cyng. Dave Mackie nifer o bryderon ynghylch fformat yr adroddiad monitro perfformiad yn Atodiad 1. Cytunodd yr Hwylusydd i siarad efo'r Tîm Perfformiad i sicrhau bod fformat yr adroddiadau nesaf yn well. Dywedodd y Cyng. Mackie bod cynigion wedi'u gwneud i ddarparu hyfforddiant i Aelodau i'w galluogi nhw i ddeall yr wybodaeth am berfformiad yn well a gofynnodd a oedd yr hyfforddiant yn mynd i gael ei drefnu. Cytunodd yr Hwylusydd i godi'r mater gyda Rheolwr y Gwasanaethau Democrataidd fel rhan o'r Rhaglen Datblygu Aelodau.

Holodd y Cyng. Mackie ynghylch y ffigyrau ar dudalen 51 yr adroddiad a chanran y bobl ifanc 16-18 oed yn y system cyfiawnder ieuenctid sydd wedi cael cynnig addysg, hyfforddiant neu gyflogaeth. Cytunwyd y byddai'r Hwylusydd yn cysylltu â'r Rheolwr Cyfiawnder Ieuenctid i dderbyn eglurhad o'r ffigyrau.

Cyfeiriodd Mrs Rebecca Stark at y risg ynghylch gallu arweinyddiaeth a nodir yn yr adroddiad cynnydd a gofynnodd a oes risg o ran diffyg penaethiaid cymwys ac addas yn y dyfodol. Dywedodd y Prif Swyddog Dros Dro bod y sefyllfa yn fwyfwy heriol ond nad yw ysgolion yn Sir y Fflint wedi cael trafferthion penodi ymgeiswyr cadarn. Eglurodd bod GwE wedi datblygu rhaglen datblygu proffesiynol gref i gefnogi deiliaid swydd ac i sicrhau bod ymgeiswyr priodol yn y dyfodol.

Cyfeiriodd Mrs Rebecca Stark at y risg yn ymwneud â gofynion Bil Anghenion Dysgu Ychwanegol a'r Tribiwnlys Addysg (Cymru), a fydd yn dod i rym gyda hyn, yn arwain at orfod canfod adnoddau ychwanegol o ran gwasanaethau a darpariaethau arbenigol. Eglurodd y Prif Swyddog Dros Dro y dylai bod gan bob ysgol Gydlynedd Anghenion Dysgu Ychwanegol ar gyfer y Blynnyddoedd Cynnar a bod yr Awdurdod yn gweithio'n galed gyda Chydlynedd ADY penodol i baratoi ar gyfer 2020.

Roedd y Cyng. Patrick Heesom yn pryderu ynghylch diffyg cynnydd o ran darpariaeth Gwasanaeth Ieuencid boddhaol yn Sir y Fflint. Mewn ymateb eglurodd y Cyng. Ian Roberts bod y gwaith ar y Gwasanaeth Ieuencid yn datblygu'n dda ac awgrymodd y dylid cynnwys yr eitem ar y Rhaglen Gwaith i'r Dyfodol er mwyn darparu diweddariad i'r Pwyllgor.

PENDERFYNWYD:

- (a) Nodi'r adroddiad monitro canol blwyddyn
- (b) Derbyn eglurhad ynghylch fformat adroddiadau monitro perfformiad
- (c) Anfon llythyr at Mrs Kirsty Williams, Ysgrifennydd y Cabinet dros Addysg, yn amlinellu pryderon y Pwyllgor ynghylch y canlynol:-
 - Y gostyngiad arfaethedig o 11% yn y Grant Gwella Addysg
 - Diddymu Grant Ysgolion Bach a Gwledig
 - Diddymu Grant Gwisg Ysgol ar gyfer disgyblion blwyddyn 7 sy'n gymwys i dderbyn prydau ysgol am ddim

29. CYFRYNGAU CYMDEITHASOL A DIOGELWCH RHYNGRWYD MEWN YSGOLION

Cyflwynodd y Prif Swyddog Addysg Dros Dro (Addysg ac Ieuencid) adroddiad am ddiogelwch cyfryngau cymdeithasol a diogelwch ar y rhyngwrwyd a ddarperir i ysgolion Cyflwynodd Claire Sinnott, Ymgynghorydd Dysgu – Iechyd, Lles a Diogelu, a'i gwahodd i gyflwyno'r adroddiad.

Eglurodd yr Ymgynghorydd Dysgu bod yr adroddiad wedi'i lunio mewn ymateb i gais gan yr Aelodau am sicrwydd bod plant a phobl ifanc yn ysgolion Sir y Fflint yn derbyn cefnogaeth briodol i ddatblygu eu sgiliau o ran defnyddio cyfryngau cymdeithasol a'r rhyngwrwyd yn ddiogel. Darparodd wybodaeth gefndir a chyd-destun ac adroddodd ar y datblygiadau cenedlaethol, rhanbarthol a lleol, fel y nodir yn yr adroddiad.

Siaradodd y Cyng. Kevin Hughes o blaid offeryn hunanadolygu e-ddiogelwch 360 Degree Safe Cymru a dywedodd y dylai bod pob ysgol yng Nghymru yn cael ei hannog i ddefnyddio'r offeryn. Bu iddo longyfarch Ysgol Gynradd Parc Cornist am dderbyn y Marc Diogelwch Ar-Lein a phwysleisiodd yr angen am ymgysylltu â rhieni ac annog cefnogaeth gan gyfoedion mewn ysgolion. Yn ystod y drafodaeth cytunwyd y byddai'r Cyng. Kevin Hughes yn llunio datganiad ar gyfer papurau newydd lleol ar y gefnogaeth a ddarperir gan y Cyngor i blant, pobl ifanc ac athrawon ar ddiogelwch cyfryngau cymdeithasol a'r rhyngwrwyd a chylchredeg y datganiad i Aelodau'r Pwyllgor.

Mewn ymateb i gwestiynau a sylwadau'r Cadeirydd a'r Cyng. Dave Mackie ar gasglu'r holl wybodaeth i athrawon mewn pecyn, cytunodd yr Ymgynghorydd Dysgu i ddarparu pecyn gwybodaeth a'i gylchredeg i bob ysgol.

Mewn ymateb i ymholiad gan y Cyng. Tudor Jones ynglŷn â sut y caiff y gwaith o godi ymwybyddiaeth ymhlith disgyblion ei fesur i sicrhau ei effeithiolrwydd, eglurodd yr Ymgynghorydd Dysgu bod Gwasanaethau

Rhwydwaith Ymchwil Iechyd Ysgolion yn mynd i ysgolion uwchradd bob dwy flynedd a bod pob ysgol yn rhan o hyn. Cytunodd i rannu'r canfyddiadau ar fesur effeithiolrwydd y gwaith i godi ymwybyddiaeth.

PENDERFYNWYD:

- (a) Nodi'r adroddiad ar ddiogelwch cyfryngau cymdeithasol a'r rhyngrwyd a chadarnhau eu bod wedi derbyn lefel briodol o sicrwydd ynghylch y gefnogaeth a ddarperir i blant, pobl ifanc ac athrawon i'w cadw'n ddiogel;
- (b) Cydnabod y gefnogaeth i ysgolion a datblygiad parhaus y Fframwaith Cymhwysedd Digidol a defnyddio offeryn 360 Degree Safe Cymru
- (c) Derbyn adroddiadau rheolaidd ar ddiogelwch cyfryngau cymdeithasol a'r rhyngrwyd a ddarperir i blant, pobl ifanc ac athrawon.

30. RHAGLEN GWAITH I'R DYFODOL

Cyflwynodd yr Hwylusydd Trosolwg a Chraffu Addysg ac Ieuenctid y Rhaglen Gwaith i'r Dyfodol er mwyn ei hystyried. Dywedodd bod cyfarfod nesaf y Pwyllgor ar 21 Rhagfyr 2017 wedi'i ganslo ac y bydd yr eitemau yn cael eu cynnwys ar raglen y cyfarfod nesaf ar 1 Chwefror 2018. Eglurodd y bydd y sesiwn frifio ar ddiogelu corfforaethol, a oedd i fod i gael ei chynnal cyn y cyfarfod ym mis Rhagfyr, yn cael ei chynnal cyn cyfarfod o'r Cyngor Sir.

Yn ystod y drafodaeth, cynigiwyd y diwygiadau canlynol i'r Rhaglen Gwaith i'r Dyfodol.

- Cynnwys adroddiad ar y Gwasanaeth Ieuenctid
- Gwneud diogelwch cyfryngau cymdeithasol a'r rhyngrwyd yn eitem reolaidd ar Raglen Gwaith i'r Dyfodol y Pwyllgor
- Cynnwys adroddiad ar sut mae rhaglen band B Ysgolion yr 21ain yn cydfynd â'r grant maint dosbarthiadau gan Lywodraeth Cymru
- Cyflwyno adroddiad cynnydd ar weithredu'r ddarpariaeth gofal plant am ddim i gyd-gyfarfod o'r Pwyllgorau Trosolwg a Chraffu Addysg ac Ieuenctid ac Iechyd a Gofal Cymdeithasol
- Cyflwyno adroddiad ar y Ganolfan Hawl Bore Oes i gyd-gyfarfod o'r Pwyllgorau Trosolwg a Chraffu Addysg ac Ieuenctid ac Iechyd a Gofal Cymdeithasol

Tynnodd yr Hwylusydd sylw at baragraff 1.03 yr adroddiad a dywedodd, yn ystod cyfarfod Pwyllgor y Cyfansoddiad a Gwasanaethau Democrataidd a gynhaliwyd ar 25 Hydref 2017, y penderfynwyd holi barn bob Pwyllgor am amseroedd y cyfarfodydd fel rhan o'u rhaglen gwaith i'r dyfodol. Cyfeiriodd at y dewisiadau, y manylwyd arnynt yn yr adroddiad, a gofynnodd i'r Pwyllgor am eu barn ynghylch patrwm cyfarfodydd. Byddai'r canlyniad yn cael ei adrodd yn ôl wrth Bwyllgor y Cyfansoddiad a Gwasanaethau Democrataidd.

Awgrymodd y Cyng. Patrick Heesom y dylai'r Pwyllgor gadw at y trefniadau presennol a chyfarfod ar brynhawn ddydd Iau am 2.00pm. Eiliwyd hyn gan y Cyng. Dave Mackie a chafodd ei gymeradwyo pan gynhaliwyd pleidlais ar y mater.

PENDERFYNWYD:

- (a) Diwygio'r Rhaglen Gwaith i'r Dyfodol;
- (b) Rhoi awdurdod i'r Hwylusydd, wrth ymgynghori gyda Chadeirydd y Pwyllgor, amrywio'r Rhaglen Gwaith i'r Dyfodol rhwng cyfarfodydd, yn ôl yr angen;
- (c) Rhoi gwybod i Bwyllgor y Cyfansoddiad a Gwasanaethau Democraidd bod y Pwyllgor yn ffafrio cwrdd am 2pm ddydd Iau.

31. AELODAU'R WASG A'R CYHOEDD YN Y CYFARFOD

Nid oedd unrhyw aelod o'r cyhoedd yn bresennol a dim ond un aelod o'r wasg.

(Dechreuodd y cyfarfod am 2.00 ym a daeth i ben am 4.33 ym)

.....
Cadeirydd